

Mad Nasir TNC baharu UPM

KUALA LUMPUR 30 Nov. - Prof. Datuk Dr. Mad Nasir Shamsudin, 57, akan menggalas tugas sebagai Timbalan Naib Canselor (Akademik dan Antarabangsa) Universiti Putra Malaysia (UPM) berkuat kuasa 1 Disember ini hingga 30 November 2016.

Beliau dilantik memegang jawatan tersebut oleh Timbalan Perdana Menteri yang juga Menteri Pendidikan, Tan Sri Muhyiddin Yassin dan diumumkan oleh Naib Canselor UPM, Prof. Datuk Dr. Mohd. Fauzi Ramlan.

Menurut Mohd. Fauzi, pelantikan baharu itu bagi menggantikan Prof. Datin Paduka Dr. Aini Ideris yang tamat tempoh pelantikannya hari ini.

“Sebagai Timbalan Naib Canselor (Akademik dan Antarabangsa) yang baharu, beliau bertanggungjawab me-



MAD NASIR

ningkatkan pembangunan akademik termasuk menambah baik kualiti pengajaran dan pembelajaran.

“Beliau juga bertanggungjawab ke atas perkembangan dan promosi hal ehwal antarabangsa universiti,” katanya dalam kenyataan di sini hari ini.

Dr. Mad Nasir merupakan pakar dalam bidang Ekonomi Pertanian dan Sumber serta pernah dilantik sebagai penyelidik dan perunding untuk Unit Perancang Ekonomi (EPU), Jabatan Perdana Menteri pada 1994 hingga 1995 dan berjaya membangunkan Model Analisis Sektor Pertanian Malaysia.

Beliau juga pernah memegang jawatan sebagai Dekan kepada dua fakulti iaitu Fakulti Pengajian Alam Sekitar (2004-2009) dan Fakulti Pertanian (2009-2012).